



TE AO ŌHANGA MĀORI.

Rangatahi Futures Tau 11
Mā te kaiako

careers.govt.nz

Tertiary Education
Commission
Te Amorangi Mātauranga Matua



He kaupapa ako tēnei mā te rangatahi, e hāngai ana ki te ao mahi. E whakatairanga ana tēnei kaupapa i te reo, i ngā tikanga Māori me ngā kōrero mō ngā tūpuna. Mā te kaupapa o Rangatahi Futures e mārama ai te ākonga ki ngā ariā matua o te ao mahi.

Ko Te ao ōhanga Māori te ingoa o te hōtaka whakaako mā ngā ākonga o te tau 11. Mā tēnei hōtaka ka whai ngā ākonga i ngā kōrero mō ngā pakihī Māori o mua, o ēnei rā hoki. Ka kite rātou i te hononga o ngā pakihī ki te ao ōhanga me ō rātou hapori. Ka kimi mōhiotanga rātou mō ngā momo tūranga i te ao ōhanga.

NGĀ IHIRANGI

Te ara whakaako 2
Te ao ōhanga Māori

Te whakatakoto i te kaupapa 3

Akoranga 1: Ngā pakihi o mua 7

Akoranga 2: Te ao ōhanga 12

Akoranga 3: Ngā Kaipakihi Māori 14

Akoranga 4: Te kimi tangata 18

Akoranga 5: Tōku maunga 20



Te ara whakaako Te ao ōhanga Māori

.....

E toru hāora te roa o tēnei hōtaka whakaako. Kua whakawehewehea te kaupapa ki ngā akoranga e rima, e 40–50 meneti te roa o ia akoranga. Ka taea te whakaako i te rā kotahi, ka whakawehewehea rānei ki ngā akoranga – kei a koe te tikanga.

Kei ia akoranga ētahi whāinga matua e hāngai ana ki ngā pūkenga matua o te ao mahi i te Tau 11 mai i te pukapuka *Career Education and Guidance in New Zealand Schools* (Te Tāhuhu o te Mātauranga, 2009). Ka whakaakongia ngā whāinga matua mā ngā momo tūmahī, arā, he kōrero ā-rōpū, ā-akomanga rānei, he kēmu, he tuhinga poto rānei. Hui katoa mai ēnei tūmahī, kātahi ka puta te mahere whai mahi a te ākongā.

E rima ngā akoranga i muri mai i te whakatakinga nei. He rauemi whakaako kei ia akoranga. Tikina ake te whakaaturanga a te kaiako me ngā rauemi mā te rangatahi mai i te ipurangi.

Ngā ariā matua

Mā te kaiako tonu e tipako atu, e tīni rānei ngā wāhanga o te hōtaka e tika ana hei whakahāngai i te kaupapa ki ngā matea ako o ngā rangatahi i tana kura. Heoi, ko te mea nui me ū tonu te kaiako ki ngā ariā matua o te kaupapa e rārangi iho nei:

1. He puna mātauranga te reo, ngā tikanga me te whakapapa Māori i te ao mahi.
2. Ko te mātauranga, ko te māramatanga, ko ngā wheako o te rangatahi te tūāpapa o ngā mahi katoa.
3. Me kaha te kaiako ki te whakahaere i ngā kōrero i runga i te ngākau pono me te ngākau tuwhera, hei tauira mā ngā rangatahi.
4. Kei te whanake haere ngā pūkenga, ngā āhuetanga me ngā uara o te rangatahi, e āhei ai ia ki te whai i te huarahi tika māna i te ao mahi.

Te whai wāhitanga

Me mātua kuhu atu ngā rangatahi ki ngā akoranga. Kua tāpirihia atu tētahi 'ine wāhi' e whakaatu ana i te roa o te wāhi ki te rangatahi, ki te kaiako rānei i ia akoranga. Me korikori te tinana me te hinengaro i te wā o te akoranga, me whai wāhi ngā rangatahi ki ngā momo rauemi whakaako rerekē hoki.

Ngā pātai matua

He pātai matua kei ia akoranga kia āta wānangahia ngā whāinga matua. Me whai whakaaro te kaiako ki ngā pātai matua i mua i te akoranga, kia pai ai tana whakahaere i te kōrero e tutuki pai ai ngā whāinga matua.

Career education in New Zealand schools

.....

Career Education and Guidance in New Zealand Schools (Ministry of Education, 2009) offers advice and support to schools about providing effective career education and guidance in Years 7–13. It provides the following description of the characteristics of career education programmes in Year 11:¹

- Students use their knowledge of themselves to weigh up possible pathways in the senior school and beyond.
- Students explore and begin to articulate career aspirations linked to a range of learning opportunities.
- Students continue to learn about senior school courses and how they relate to qualifications.
- Classroom teachers help students discover how their talents relate to work, and they learn to describe

and name their growing skills and abilities in conversations, plans and portfolios.

- Students understand how to keep open a range of options while pursuing their strengths, interests and aspirations.
- Learning and career planning will include setting goals for achievement in qualifications and for exploring career pathways.
- Career education events will raise and broaden students' awareness of options beyond school and teachers can highlight career concepts within regular classroom learning.
- Students experience more of the nature and language of work and employment, understanding the names and meanings of skills so that they can relate these to self, occupations and industries.
- Pastoral care systems can encourage students to become aware of their transferable skills and actively monitor their career and learning planning.

.....
¹ Ministry of Education, *Career Education and Guidance in New Zealand Schools*, 2009, p. 16.

Key messages and career management competencies

.....

Career Education and Guidance in New Zealand Schools identifies a range of understandings, skills and attitudes that are required to successfully manage life, learning and work. These form the basis for the career management competencies which schools can use to design careers learning programmes. The career-management competencies are grouped into three areas:

1. Developing self awareness – competencies that enable young people to understand themselves and the influences on them.
2. Exploring opportunities – competencies that enable young people to investigate opportunities in learning and work, and relate them to themselves.
3. Deciding and acting – competencies that enable young people to make and adjust their plans, to manage change and transition, and to take appropriate action.

Te ao ōhanga Māori Our place in the economy is primarily focused on supporting the development of career-management competencies in areas two and three, and provides a pathway for rangatahi to make decisions and to act on their own career plans in the future.

The career-management competencies form the basis for the suggested learning outcomes at each year level. The table on the next page identifies the Year 11 career-management competencies that relate to the key messages within each lesson.

Links to career management competencies

Lesson	Key messages	Career management competency
		Students can:
Lesson 1 Ngā pakihī o mua Early enterprise	<ol style="list-style-type: none"> 1. My tūpuna were successful business people who used the resources they had to help sustain their lives. 2. My tūpuna made the most of the opportunities available to them in their time. 3. A career action plan is a good tool to help me identify and make the most of my own career opportunities. 	<ol style="list-style-type: none"> 1. Demonstrate skills in maintaining a positive self-concept within the immediate environment. 2. Develop skills in career planning.
Lesson 2 Te ao ōhanga Our economy	<ol style="list-style-type: none"> 1. I am a part of the New Zealand economy. 2. Businesses have a significant impact on their communities and the economy. 	<ol style="list-style-type: none"> 1. Demonstrate understanding of the concept of the marketplace.
Lesson 3 Ngā kai-pakihi Māori Māori business owners	<ol style="list-style-type: none"> 1. There are many successful Māori businesses. 2. Businesses provide many career opportunities for me. 	<ol style="list-style-type: none"> 1. Investigate and explore possible career options and pathways.
Lesson 4 Te kimi tangata Find someone who ...	<ol style="list-style-type: none"> 1. Talking to others about my career aspirations helps to create opportunities for my future pathways. 2. It is important to find and connect with people who will have a positive influence on my life choices. 	<ol style="list-style-type: none"> 1. Establish a support network. 2. Demonstrate understanding of the importance of both independence and support from others in career decision-making and planning.
Lesson 5 Tōku maunga Climbing my mountain	<ol style="list-style-type: none"> 1. Gaining knowledge and qualifications helps me to have more career opportunities. 2. There are lots of different places to gain qualifications that are right for my learning style and career aspirations. 	<ol style="list-style-type: none"> 1. Demonstrate understanding of the relationship between educational achievement and career planning. 2. Demonstrate understanding of learning pathways and skills in choosing senior school subjects.

Te whakatakoto i te kaupapa

.....

He nui tonu ngā mahi ōhanga a te Māori. Ka tau mai ngā tūpuna ki Aotearoa kei a rātou kē ngā pūkenga me ngā mātauranga o ō rātou tūpuna. He rawa hoki ā rātou, pērā i te kurī Māori, i te kiore me te kūmara. Ko te whenua me te moana ngā pātaka kai, na, ka toro atu rātou ki ngā rawa hou me ngā ara hou ki te whakatū i ō rātou kāinga kia noho ora ai ngā whānau me ngā hapū i Aotearoa. I kite mai rātou i ngā pūkenga motuhake me ngā rawa o ia rohe, na, ka tīmata mai ngā mahi tauhokohoko. Ko ngā rawa nui hei hanga taputapu ko te pounamu, ko te matā me te pakohe.

Nō te taenga mai o te Pākehā, ka huri te Māori ki te tauhokohoko i te kai, i te harakeke me te rākau mō ngā rawa a te Pākehā pērā i ngā nēra me ngā pū. Nā ngā mahi tauhokohoko i ora ai ngā Pākehā i ngā rawa a te Māori i taua wā. Ko ngā Māori anō ngā kaihautū o ngā whare patu tohorā, o ngā mīra harakeke me ngā māra kai. He nui tonu ngā mahi tauhokohoko i taua wā. Kei te kēmu 'Ngā pakihī o mua' i te Akoranga 1 ngā kōrero mō ngā tini pūkenga o ngā tūpuna me ō rātou pakihī hei rangahau mā ngā rangatahi.

I tēnei rā, he wāhi nui tō ngā pakihī Māori i te ao ōhanga o Aotearoa, arā, i te rāngai ahuhenua, i te rāngai hī ika, i te rāngai poro rākau, i te rāngai tuku pūngao, i te rāngai mahi tāpoi

me te ao hangarau ā-matihiko. Kei te kitea te hononga a te Māori ki te whenua, ki tōna iwi, otirā, ki tōna hapori i ngā whāinga nui me ngā tikanga a ngā pakihī ā-iwi, pakihī takitahi rānei. Kei te kaha tonu te Māori ki te whai i ngā ara hou e puta mai ana ki a rātou i te ao ōhanga o Aotearoa.

Mā *Te ao ōhanga Māori* ka kite ngā rangatahi i ngā ara maha e wātea ana ki a rātou i te rāngai pakihī. Ka taea hoki e rātou te whiriwhiri whakaaro mō te pānga o tō rātou ara mahi ki ō rātou ake whānau, ki ō rātou ake hapū, ki ō rātou ake iwi, otirā, ki te hapori nui tonu.

Ko tā te kaiako mahi, he akiaki i ngā rangatahi ki te whai i te ara mahi e tika ana mā rātou kia tū māia ai rātou i te ao ōhanga o Aotearoa.

1

***NGĀ PAKIHI
O MUA***

Ngā pakihī o mua

Te ara whakaako



Ngā whāinga matua

1. He kaihautū pakihī ōku tūpuna e whakamahī ana i ngā rawa e tika ana mō te oranga pūmau o te iwi.
2. He kaha ōku tūpuna ki te whai i ngā ara mahi whai hua e tuwhera ana ki a rātou i tō rātou wā.
3. He āwhina nui te mahere whai mahi kia mārama pai au ki ngā ara mahi e tuwhera ana ki ahau.

Ngā mahi ako

1. Whakatuwherahia te kaupapa mā te karakia me te mihimihī (wh.1–wh.2). Whakamāramahia atu ki ngā rangatahi ko ō rātou maunga me ō rātou awa ngā tūtohu whenua e paiheretia ana i a rātou ki ō rātou rohe, heoi, i whai oranga hoki ngā tūpuna i ngā maunga me ngā awa i tō rātou taenga mai ki Aotearoa i tērā 1000 tau. Me pohewa rātou te āhua o te whenua nei i te taenga mai o ngā tūpuna. Whakaatuhia te pikitia i te whārangi 3 o te Whakaaturanga Kaiako ki a rātou. Matapakina:
 - He aha rā pea ngā whakaaro tuatahi o ngā tūpuna mō tēnei whenua?
 - He aha rā ā rātou mahi tuatahi?
 - He tūranga mahi tūturu ēnei? (āe)
 - Ka utua te tangata mō āna mahi i taua wā? He mea hoko ngā rawa o aua rā?
 - Ko wai mā ngā rangatira o ngā mahi? Ko wai ngā kaimahi?

Whakanuia ngā momo mahi katoa i te wā o ngā tūpuna (tā te tāne/wahine, mahi ā-tinana/ā-hinengaro, ngā kaiwhakarite, ngā kaiārahi, a wai atu anō).

Koia nei te tāhuhu o te kaupapa. Me hokihoki mai ki ngā ariā matua o tēnei kōrero, kia ū ai ēnei whakaaro ki te hinengaro o te rangatahi.

2. Whakaatuhia te whakataukī (wh.4). Whakamāramahia atu ki ngā rangatahi ko tā ngā tūpuna he whakatairite i tō rātou ao ki te taiao. Otirā, ko te mahi a te tōrea he kimi kai i te wā e timu ana te tai. E mea ana tēnei whakataukī me kaha tātou ki te whai i ngā ara hou, i ngā mahi hou rānei e puta mai ana ki a tātou. Matapakina:
 - He aha rā te pānga o tēnei whakataukī ki tō ara mahi?
 - He aha rā ngā ara hou e wātea ana ki a koe i te ao mahi, arā, ko ngā ara ako, ko ngā tohu mātauranga, ko ngā wheako hou, ko ngā tāngata rānei e āhei ana ki te āwhina i a koe?

Ngā pātai matua

- Ka tīmata mai ngā pakihī i te aha?
- He aha rā te hua o ngā pakihī ki te tangata?

Hei tiki ake

- Te whakaaturanga kaiako (wh.1–wh.5)
- Ngā kāri mō te kēmu Ngā pakihī o mua
- Te mahere whai mahi (A3)

Ngā rauemi kaiako

- Te mahere whenua whai mahi – he whakamārama

Kuputaka

Career – tūranga mahi, te mahi, tō tūranga i te ao mahi, te ara mahi

Ngā mahi ako



Ngā pakihī o mua

Te ara whakaako

3. Mea atu ki ngā ākonga he kaiwhakahaere pakihī ō rātou tūpuna, otirā, i kaha rātou ki te whai i ngā huarahi e whaihua ai rātou i tō rātou wā. Hoatu ngā kāri Ngā pakihī o mua ki ngā ākonga. Ka noho ā-rōpū rātou ki te whakarōpū i ngā kāri ki ngā pakihī tino whaihua; i mua i te taenga mai o ngā Pākehā, i muri i te taenga mai o te Pākehā, i tēnei rā hoki. Kia 5 ngā kāri i ia huihuinga. Matapakina ngā whakautu.
- He aha rā ngā pakihī tuatahi o mua? I whai take tonu ēnei pakihī i te taenga mai o te Pākehā?
 - Kua rerekē ngā momo tūranga mahi i roto i te wā? He aha rā ngā momo mahi e whaihua tonu ana i tēnei rā?
 - He aha rā ngā rerekētanga i waenganui i ngā pakihī o mua me ngā pakihī o ēnei rā?
4. Whakaatuhia te mahere whenua whai mahi (wh.5) ki ngā rangatahi. Whakamāramahia atu, i te roanga o tēnei kaupapa ka whakakī rātou i tā rātou ake mahere whenua whai mahi. Mā tēnei mahere e āhei ana rātou ki te tautohu, ki te takatū hoki mō ngā momo mea angitū ka puta ake ki a rātou i tō rātou ara mahi. Pānuhia ngā kōrero e whai ake nei mō ngā wāhanga e whā o te mahere whenua whai mahi.
5. Tikina ake te mahere whenua whai mahi, hoatu tētahi ki ia ākonga. Matapakina te manawanui o ngā tūpuna i te wā i wehe atu rātou i Hawaiki ki te kimi oranga hou mā rātou. He aha rā ngā wheako hou e ngākaunuitia ana e ngā rangatahi, arā, he wheako ā-kura, he wheako noa rānei.

Tukuna rātou ki te whakakī i te wāhanga Te waonui a Tāne i te mahere whenua whai mahi. Whakamāramahia atu ki ngā rangatahi me manawanui hoki rātou ki te whai i ngā wheako hou i tō rātou ara whai mahi.

Ngā pakihī o mua

Rauemi kaiako

Te mahere whenua whai mahi He whakamārama

Te waonui a Tāne – kia tuwhera te ngākau ki ngā mea hou

Nō te taenga mai o ō tūpuna ki Aotearoa ko tā rātou mahi he whakamātautau i ngā kai hou, i ngā rawa hou hoki hei hanga taputapu, hei hanga kākahu, hei hanga whare hoki. Otirā, nā te rerekē o te huarere me rerekē hoki ngā mahi māra me te hanga o ngā whare. Ka kite rātou i ngā manu hou me ngā momo rawa hou o te taiao. Ka whai oranga rātou i Aotearoa nā te mea i whakahāngai rātou i ā rātou mahi ki te whenua, ka tuwhera hoki ō rātou ngākau ki ngā wheako me ngā mahi hou.

Hei ngā tau e tū mai nei, ka puta mai hoki ētahi wheako hou, ētahi ara mahi hou ki a koe. Ahakoa he tauhou pea koe, ō hoa, tō whānau rānei ki ētahi o ēnei āhukatanga ehara i te mea me tautuku noa koe.

I te roanga o tēnei kaupapa, kei te hiahia au kia āta whakaaro koe mō ngā wheako hou me ngā mahi hou e pakari ake ai ō pūkenga, tō mātauranga me ō āhukatanga mō te ao mahi. Ka kore koe e mōhio ki ngā hua ka puta mai i aua āhukatanga āpōpō.

Te awa – kia ahu whakamua

Ka puta te wai i tōna mātāpuna ka rere ki te awa. Ka rere tonu, ka rere tonu ka puta atu i te wahapū. Ka kore te wai e tū noa, ahakoa ngā piki me ngā heke.

Nō te taenga mai o ō tūpuna ki Aotearoa ka kaha rātou ki te kōkiri i ngā ara hou hei kimi oranga pūmau mā rātou. Ka kaha rātou ki te tauhokohoko i ngā rawa hou, ki te whai i ngā rautaki hou ki te whakangau kai, ki te mahi māra rānei. Ka māia rātou ki te whai i ā rātou tikanga. Ka manawanui anō ki ā rātou mahi, ka kore e tautuku.

Me kaha anō tātou ki te whai i te ara mahi kia tae rā anō ki te putanga e tika ana mā tātou. Me haere tonu, me haere tonu, kia ū tonu ki ō wawata.

Ngā pakihī o mua

Rauemi kaiako

Te mahere whenua whai mahi He whakamārama

Te waka – kia kaha ki te tūhonohono atu ki te tangata

Ka kawē ngā waka i te tangata, i ngā rawa rānei mai i tētahi wāhi ki tētahi atu. Ka haere ō tūpuna huri noa i Aotearoa me Te Moananui-a-Kiwa ki te mahi tauhokohoko mā runga waka. Ki reira ka tūtakitaki rātou i ngā iwi rerekē. He mea nui ki ngā tūpuna te whakawhanaungatanga me te tūhonohono ki iwi kē. Ka tere whakahoahoa mai ngā Pākehā tuatahi o Aotearoa ki a rātou kia pai ai tō rātou noho ki konei.

Mā te tūhonohono atu ki ētahi atu tāngata, ahakoa ko wai, ka ngāwari ake ai te ara kimi mahi. Ahakoa he iti, me kaha koe ki te whakapā atu ki ētahi atu, ki te whakamārama atu hoki i ō wawata mō te mahi me ngā kaupapa e kaingākauria ana e koe. Tērā pea, ka puta mai ētahi hua i tō whānau, i ō hoa, i tētahi whare whakangungu, i tētahi wāhi mahi, i te matua kēkē o tētahi hoa rānei. Ka whakamā pea koe i ētahi wā, heoi, mā te kōrero mō ō wawata mō te mahi ka mārama ake koe ki ō whakaaro, waihoki, tērā pea ka mōhio tētahi o rātou ki tētahi tangata e kimi ana i tētahi kaimahi pērā i a koe!

Te maunga – kia eke koe ki te tihi

Nō te taenga mai a ō tūpuna ki Aotearoa he pūkenga ō rātou, he mātauranga ō rātou e pai ai tā rātou noho ki Hawaiki me tō rātou terenga mai ki Aotearoa. Ka tae mai ana rātou ki konei, me kaha tonu rātou ki te ako i ngā āhuatanga hou o tēnei whenua tauhou.

Ānō nei he pikinga maunga te whai mātauranga, heoi anō, kia mahara tonu koe, nōu tēnei maunga. I ia tau, i ia tau, kei te piki haere koe i tō maunga, kei te kohikohi haere i ngā wheako me ngā mātauranga e tika ana hei whakapakari i a koe, kia tae koe ki ngā taumata tiketike i tō mahi.

I te roanga o tēnei kaupapa ka whakamāramahia atu ngā kōrero mō te NCEA me te pānga o tēnei tohu ki a koe. Ka ako hoki koe mō Te Taura Here Tohu Mātauranga ā-Motu kia mārama ai koe ki ngā taumata mātauranga ā muri i te kura, kia mōhio ai hoki koe ki te ara ki te tihi o te ao mātauranga.

2

**TE AO
ŌHANGA**

Te ao ōhanga

Te ara whakaako



Ngā whāinga matua

1. E whai wāhi ana au ki ngā mahi ōhanga o Aotearoa.
2. He pānga nui o ngā pakihī ki ngā hapori me ngā mahi ōhanga.

Ngā mahi ako

1. Whakaatuhia te pikitia i te whārangi 3 o te Whakaaturanga Kaiako ki ngā rangatahi. Me tautohu ngā rangatahi i ngā āhuatanga e hāngai ana ki ngā mahi ōhanga i te wā o ngā tūpuna. (te tauhokohoko ika, manu, whenua, pounamu, te whakatū whare, hanga waka)
2. Whakaatuhia te pikitia o te taone o Tāmaki Makaurau i te whārangi 6. He aha rā ngā āhuatanga e hāngai ana ki ngā mahi ōhanga o ēnei rā? (he kaimahi, he whakatū rori, ka utu rīhi ngā toa, kei te hokohoko rawa ngā tāngata)
3. Tuhia ngā whakautu a ngā rangatahi, kātahi tukuna rātou ki te whakamārama mai i tēnei mea te 'mahī ōhanga'. Tuhia ō rātou whakaaro – whakaatuhia te whakamārama i te whārangi 8.
4. Whakaatuhia te hoahoa i te whārangi 9 e whakaatu ana i te pānga o ngā pakihī ki ngā mahi ōhanga. Whakamāramahia ia wāhanga o te hoahoa ki ngā rangatahi.
5. Whakaatuhia te tauira o te pakihī o Whale Watch Kaikōura (wh.10) ki ngā ākonga. Matapakina ngā hua o taua pakihī mō te hapori me ngā whānau o taua rohe.
6. Me tautohu ngā ākonga tētahi pakihī mai i tō rātou ake hapori. Me noho takirua ki te matapaki ēnei pātai:
 - He aha ngā tūranga mahi i taua pakihī?
 - Kei te mōhio rānei rāua ki ētahi o ngā kaimahi o taua pakihī?
 - He aha rā ētahi rawa e hokona ana e aua kaimahi?
 - Mā wai ngā putanga o taua pakihī e hoko?
 - He aha rā ngā hua e puta mai ana ki te hapori mai i taua pakihī?
 - Ki te kati taua pakihī, ka ahatia te hapori?
7. Matapakina anō ngā huarahi e whai wāhi ai te tangata ki ngā mahi ōhanga (te mahi hokohoko, ngā kaimahi, he kaiwhakahaere, he aha atu). Whakamāramahia atu ki ngā ākonga he wāhi nui tō rātou ki ngā mahi ōhanga, i tēnei rā, āpōpō hoki.

Ngā pātai matua

- He aha rā tō pānga ki te ao ōhanga i tēnei wā?
- He aha rā tō wawata mō te wāhi ki a koe i ngā mahi ōhanga ā ngā tau e heke mai nei?

Hei tiki ake

- Whakaaturanga Kaiako (wh.3 me wh.6–wh.10)

Te tūmahī matua



3

**NGĀ KAIPAKIHI
MĀORI**

Ngā kaipakihi Māori

Te ara whakaako



Ngā whāinga matua

1. He nui rawa ngā pakihī Māori whaihua.
2. He nui ngā ara mahi e tuwhera ana ki ahau i te ao pakihī.

Ngā mahi ako

1. Matapakina anō ngā kōrero mō te pānga o ngā pakihī ki ngā mahi ōhanga o tētahi hapori mai i te akoranga 2. Ki ngā whakaaro o ngā rangatahi, e hia tāra pea te nui o te moni e puta mai ana i ngā pakihī Māori ki te ao ōhanga o Aotearoa?
2. Whakaatuhia ngā tatauranga mō ngā pakihī Māori i runga i te whārangi 11 o te Whakaaturanga Kaiako. Whakamāramahia atu ki ngā ākongā he maha tonu ngā pakihī Māori i Aotearoa. Ākuanei ka tākaro kēmu rātou ki te kimi mōhio tangā mō ēnei pakihī. E rua ngā wāhanga o te kēmu.

Wāhanga 1

3. Whakatakotohia ngā kōrero mō ia pakihī Māori me ngā tohu wāhi ki runga i tētahi mahere o Aotearoa i runga i te papa (tirohia ngā rauemi kaiako e whai ake nei). Me noho ā-rōpū ngā rangatahi – kia kaua e nui ake i te 7 tāngata ki ia rōpū. Tāruaruatia te Panga Pakihī, tukuna tētahi ki ia rōpū. Me whai ngā rangatahi ngā ture o te Panga Pakihī, me whakautu ngā pātai mō ngā pakihī Māori. Ka mutu ana ā rātou mahi ka tirohia tahitia ngā whakautu, ka matapakina:
 - He aha rā ngā kōreo hou ki a koe i tēnei kēmu?
 - He kōrero ohore ēnei ki a koe? He mea whakaawe rānei i a koe?

Wāhanga 2

4. He pātai tere kei te haere. Pānuihia ngā pātai mai i te rārangi pātai tere i te whārangi 17. Ka MUTU ana tō pānui, ka whakautu ngā rōpū whakataetae. Tērā pea, he maha ngā whakautu tika ki ētahi pātai. Kotahi te māka mō ia whakautu tika. Ka toa te rōpū ka whiwhi te nuinga o ngā māka.
5. Mea atu ki ngā ākongā kei te ruku hōhonu atu rātou ki ngā kōrero mō ēnei pakihī Māori. Hoatu tētahi o ngā kāri mō tētahi o ngā pakihī Māori ki ia rōpū, ko rātou tonu ngā kaihautū o taua pakihī. Kei te tono rātou ki te whakataetae mō Te Pakihī Māori o te Tau. Me whakakī rātou i te puka tono kia mōhio ai ngā kaiwhakawā ki te kaupapa o te pakihī me ā rātou mahi. Tikina ake ngā kōrero mō ia pakihī me te puka tono mō Te Pakihī Māori o te Tau. Tukuna ngā rangatahi ki te whakakī i te puka tono, ki te whakatairanga hoki i tō rātou pakihī kia riro i a rātou tēnei tohu nui. Me pānui ia rōpū te tono a tana pakihī ki te akomanga. Matapakina:
 - He pēhea ngā āhuetanga, ki ō whakaaro, o te mahi whakahaere pakihī?
 - He aha ngā painga? He aha ngā uauatanga?
 - Ki a koe, he aha rā ngā tikanga/uara nui mō te mahi pakihī?
 - He aha rā tēnei mea te 'whaihua' i te ao pakihī?
6. Tukuna ngā ākongā ki te whakakī i te wāhanga mō Te awa i tā rātou mahere whenua whai mahi.

Ngā pātai matua

- He aha rā ngā āhuetanga o ngā kaihautū o ngā pakihī?
- He aha rā tēnei mea te pakihī whaihua?

Hei tiki ake

- Whakaaturanga Kaiako (wh.11)
- Ngā pakihī Māori (x 5)
- Ngā kāri pakihī Māori me ngā tohu wāhi
- Te Pakihī Māori o te Tau, he pukatono

Rauemi kaiako

- Ngā kōrero mō te Panga Pakihī
- Ngā pātai tere

Te tūmahi matua

Ngā pakihī Māori me ngā tohu wāhi

NGĀI TAHU

- E 51.2 piriona te nui o te wāriu o ngā rawa o te Iwi o Ngāi Tahu.
- Kei te whakahaere a Ngāi Tahu i ētahi pakihī i te rāngai tāpui, i te rāngai whare me te rāngai tāi.
- E 5200 miriona tāra te nui o ngā moni ka riro i te ao āhanga o Te Whakapapa mā ngā tūrangā mahi me ngā mahi hokohoko a Ngāi Tahu.

NGĀPUHI

- Kei te whakahaere Te Rūnanga o Iwi o Ngāpuhi i ētahi pakihī i te rāngai whare hokohoko, i te rāngai tāi, āka me te rāngai tāpui tāpui.
- Ko Ngāpuhi te Iwi nui rawa o Aotearoa, 125,000 tā tāu nui.
- Nui atu i te 550 miriona tāra te wāriu o ngā rawa o Te Rūnanga o Iwi o Ngāpuhi.

WHALEWATCH KAIKŌURA

Te whakatairanga

Ngāi Tahu

Te whakatairanga

Ngāi Tahu

Te whakatairanga

Ngā kaipakihi Māori

Rauemi kaiako

Ngā kōrero mō te panga pakihi me ngā pātai tere

Wāhanga 1 Panga Pakihi

Tapahia ngā tohu wāhi, whakatakotohia ki runga i tētahi mahere o Aotearoa. Kei raro iho ētahi whakamārama mō ia rohe:

- Ngāi Tahu – mai i Kaikōura ki Rakiura
- Ngāpuhi – mai i Hokianga ki Pēwhairangi
- Ngāti Kahungunu – Te Matau a Māui
- Ngāti Toa Rangatira – te rohe o Porirua
- Ātihaunui-a-Pāpārangi – te rohe o Whanganui
- Waikato-Tainui – te rohe o Waikato

1. E hia tāra te nui o te wāriu o ngā rawa o Ngāi Tahu?

\$1.2 piriona.

2. Ko tēhea te iwi nui rawa o Aotearoa?

Ngāpuhi.

3. Whakahuatia mai kia toru ngā momo pakihi o Te Rūnanga o Ngāti Porou?

Ko ngā rākau, te mahi ahuhenua me te hī ika.

4. He aha te ingoa o te pāmu nui o Ngāti Kahungunu e whakahaere ana i ngā kura whakangungu mā ngā rangatahi 16–19 tau te pakeke?

Tautāne Station.

5. Whakahuatia mai kia toru ngā ratonga o Ora Toa Hauora i Porirua. Anei ngā ratonga hauora katoa o Ora Toa Porirua:

Tamariki Ora, Whānau Ora, Ratonga Kaupare Waipiro me te Kai Whakapōauau, Ratonga Mate Huango, Ratonga Mate Hukahuka, Ratonga Tākuta, Mātauranga Pēpē, Whakamātau Whare Tangata, Mātauranga Whakamātau Ū, Ratonga Mate Pukupuku, te Kai Ora me te Korikori Tinana.

6. Ko wai ngā iwi e whai pānga ana ki te kura whakangungu o Awhiwhenua?

Ko Te Ātihaunui-a-Pāpārangi me ngā iwi o Whanganui.

7. Nō tēhea pakihi ā-iwi te huinga toa hokohoko nui rawa o Aotearoa?

Nō Tainui Group Holdings.

Ngā kōrero mō te panga pakihī me ngā pātai tere

Wāhanga 2 – ngā pātai tere

Ko ngā pātai tere ēnei mō te wāhanga 2 o te kēmu o Panga Pakihī. Pānuihia ngā pātai. Kia mutu rā anō tō pānui kātahi ka whakautu ngā rōpū i te pātai. Ka tika ana te whakautu ka whiwhi māka taua rōpū. Ehara i te mea kotahi anake te whakautu. Ko te whāinga a te kēmu kia marama ai ngā rangatahi he nui tonu ngā ara mahi e wātea ana ki a rātou i te ao pakihī.

1. Kei te whakatū te iwi o Ngāi Tahu kia toru ngā papakāinga (Pākehā) ki Ōtautahi. Ka piki ake te nui o ngā ratonga o aua rohe nā te whakatūnga o ēnei whare. He aha rā pea ngā momo ratonga hou ka tino hiahiatia i aua wāhi?

He nui tonu ngā whakautu ki tēnei pātai. Ko ētahi o ngā momo ratonga: ko ngā toa hoko kai, ko ngā wharekai, ko ngā toa hokohoko o ia rā, ko ngā kaihoko rawa whakatū whare, ko ngā kaimahi hanga whare, ko ngā kaihokohoko whare.

2. Ko te whāinga roa a Ngāti Kahungunu rāua ko te whare whakangungu ahuhenua o Taratahi kia noho ko ngā mahi ahuhenua hei tāhuhu mō ngā mahi ōhanga o Aotearoa. Ka pānui au kia rima ngā tūranga mahi. Tautohua te tūranga kāore e whai pānga ana ki te mahi ahuhenua: (i) ko te kaihautū taraka, (ii) ko te kaitiroiro tikanga mahi, (iii) ko te kaipūkaha, (iv) ko te rata kararehe, (v) ko te kaitatau moni, (vi) ko te kaipūtaiao, (vii) ko te kaitākaro poitūkohu.

Ko te kaitākaro poitūkohu te tūranga kāore e whai pānga ana ki te mahi ahuhenua.

3. Kei te Rūnanga o Ngāti Porou ētahi pakihī whakatipu rākau. Tohua kia rima ngā rawa o ia rā e ahu mai ana i te rākau.

Ko te pepa wharepaku, ko ngā taputapu ā-whare, ko te pepa, ko ngā pene rākau, ko ngā whare, ko ngā perēti pepa, ko ngā rākau Kirihimete, ko ngā niupepa, ko te aha atu ...

4. Ko Te Rūnanga ā-Iwi o Ngāpuhi ngā kaiwhakahaere o Ngāpuhi Iwi Social Services. He mahi motuhake ā rātou, arā, ko te whakapakari tangata, ko te whakahaere akoranga mō ngā mātua hoki. Nā Ngāpuhi, mā Ngāpuhi ēnei kaupapa. He aha rā te hua o te iwi o Ngāpuhi anō e whakarato ana i ēnei kaupapa ki tōna iwi?

Anei ētahi whakautu hei taurira: (i) nā te mea kei te tū ēnei ratonga i te rohe kei reira ōna tāngata, (ii) ka mōhio pai ngā kaimahi ā-iwi ki ngā kiritaki, (iii) ka mōhio pai ngā kaimahi ki ngā momo ratonga tautoko i taua rohe, (iv) ka kaha ngā kaimahi ā-iwi ki te manaaki, ki te atawhai i ō rātou ake whanaunga.

5. E whai pānga ana te pakihī o Tainui Group Holdings ki ngā iwi o Waikato-Tainui, otirā, nō rātou te whare toa hokohoko nui rawa o Aotearoa. Whakahuatia mai kia 5 ngā pakihī ka kite koe i tētahi mōro hokohoko.

He wharekai, he toa hoko kākahu, he toa hoko kēmu rorohiko, he toa waea pūkoru, he kaikuti makawe, he toa hoko hū, he toa hoko pukapuka, he toa hoko rongoā, he toa hākinakina, he toa hoko kawhe, he aha atu.



***TE KIMI
TANGATA***

Te kimi tangata

Te ara whakaako

Te Roa



40 meneti

Te ine wāhi



70% rangatahi
30% kaiako

Akoranga



Ngā whāinga matua

1. Ki te whakapuaki au i ōku wawata mō te mahi ka tuwhera mai ētahi ara hou kia pūāwai ai ōku wawata.
2. He mea nui te kimi atu i ngā tāngata tōtika e kaha ana ki te ārahi i a au ki te huarahi pai.

Ngā mahi ako

1. Whakamaharatia ake ngā rangatahi mō te taenga mai o ō rātou tūpuna ki Aotearoa me te taenga mai o ngā Pākehā tuatahi ki tēnei whenua. He aha rā ngā kaupapa nui ki a rātou i taua wā? (te rapu kai, te kimi rawa hei whakatū whare, te mōhio ki te ngahere). Me pēhea rātou i mōhio ai ki ēnei āhuatanga? (ka pātai ngā Pākehā ki ngā tūpuna, ka whakamātauria ngā mea hou, ka whakahoahoa atu rātou ki te tangata whenua).
2. Matapakina te hiranga o tēnei mea te kōrero ki ētahi atu mō ngā wawata i te ao mahi, mō ngā kaupapa e kaingākautia ana rānei e koe. Tērā pea, kei te mōhio tētahi tangata ki tētahi tangata e taea ai e ia te āwhina i a koe. Me he tauira āu o tēnei āhuatanga nō roto i tō huarahi mahi, whākina atu aua kōrero ki ngā rangatahi.
3. Mea atu ki ngā ākonga ka tākaro koutou i tētahi kēmu. Hoatu te pepa Te kimi tangata ki ia ākonga. Whakamāramahia atu kei te kimi rātou i ngā momo tāngata i runga i tā rātou pepa, heoi, he ture anō o te kēmu nei:
 - I te wāhanga tuatahi, me noho tonu ngā ākonga ki ō rātou tūru – kāore rātou e āhei ki te hiko haere ki te kimi i ō rātou tāngata.
 - Ka kite rātou i te tangata, me haina taua tangata i te pepa.
 - Me pupuri ngā ākonga ki ā rātou pepa i ngā wā katoa
 - Ka pau te rua meneti, ka āhei ngā rangatahi ki te tū ki te kimi haere i ngā tāngata e toe ana i tā rātou rārangi tāngata.
 - Ko ngā toa, ko te tokotoru tuatahi ki te kimi i ngā tāngata katoa i runga i a rātou pepa.

Matapakina:

- Tokohia ngā hainatanga i mau i a koe e noho ana?
 - Tokohia anō i mau i a koe e hiko haere ana?
 - Nā te aha i toa ai ngā toa? (I aha kē rātou?)
4. Matapakina ngā take e ngāwari ai, e uaua ai rānei te kōrero ki ngā tāngata e taea ai te āwhina i a rātou i tō rātou ara mahi?
 - Me pēhea koe te whakamārama atu i ō whakaaro mō tō ara mahi?
 - He aha te take ka ngāwari, ka uaua rānei te whakawhiti kōrero ki ētahi atu?
 - Mēnā kāore tētahi e hiahia ki te āwhina i a koe, me aha koe?
 - He aha rā te waiaro e tika ana kia ea ai ō wawata?
 5. Tukuna ngā rangatahi ki te whakakī i te wāhanga o Te waka i te mahere whenua whai mahi.


Ngā pātai matua

- Ka āhei koe ki te kōrero ki a wai e pā ana ki ō wawata mō āpōpō?
- Ko wai mā ētahi kaiārahi pai ki a koe?

Hei tiki ake

- Whakaaturanga Kaiako (wh.3)
- Mahere whenua whai mahi
- Te kimi tangata (tūmahī)

Te tūmahī matua



5

***TŌKU
MAUNGA***

Tōku maunga Te ara whakaako



Ngā whāinga matua

1. Ka nui ake ngā ara mahi mēnā ka mau i a au ngā mōhiotanga me ngā tohu mātauranga e tika ana.
2. He nui tonu ngā wāhi e taea ai e au te whiwhi tohu mātauranga e hāngai ana ki taku taera ako me ōku wawa i te ao mahi.

Ngā mahi ako

1. Hoki atu anō ki ngā akoranga e pā ana ki te mahi ōhanga me ngā pakihī Māori. Me noho takirua ngā ākonga ki te matapakī te pātai i te whārangi 12.

- He aha te pānga o ngā pakihī Māori me ngā mahi ōhanga ki taku ara mahi?

Ka pau te rua meneti, matapakina ō rātou whakaaro mō ngā kōrero i te whārangi 13.

- He aha rā te ngako o ia rerenga?
- Kei te tika ēnei kōrero?
- Ka hia ō tau ā te tau 2014?
- He aha rā te wāhi ki a koe i te ao ōhanga ā taua wā?

2. Whakamaharatia ngā ākonga ki ā rātou kōrero mō tā rātou pepeha. He tūtohu whenua tūturu ō rātou maunga, e tohu ana i a rātou anō, otirā, ō rātou tūpuna hoki.

Mea atu ki ngā ākonga ko te kaupapa o tēnei akoranga ko ngā pūkenga me ngā tohu mātauranga. I tēnei wā tonu, kei te kake rātou i tō rātou ake maunga, arā, kei te kohi haere rātou i ngā pūkenga me ngā tohu mātauranga hei āwhina i a rātou ki te whai i tō rātou ake ara i te ao ōhanga.

3. Ko te NCEA Taumata 1 tētahi o ngā tohu mātauranga e whāia ana e rātou i tēnei tau. Tūkuna ngā pātai tere mō NCEA e whai ake nei kia kite rā koe i te mōhiotanga o ngā ākonga ki te NCEA. Tirohia hoki ngā whārangi 14–19 o te whakaaturanga kaiako. Whakautua ngā pātai a ngā rangatahi mō NCEA.

Whakamāramahia atu ki ngā rangatahi ko te NCEA taumata 1 te tohu mātauranga tuatahi i runga i tētahi kauwhata e piki ake ana ki te taumata 10. Hoatu te tūmahi NZQF. Tūkuna ngā ākonga ki te whakatū i te taura here mātauranga. Ka tapahia ngā porowhā, kātahi ka whakatūria ki te wāhi tika i runga i te taura.

I te wāhanga tuarua o tēnei tūmahi, ka waihangā mai anō ngā ākonga i taua kauwhata, otirā, me tika te whakatakoto o ngā momo tohu mātauranga. Matapakina ngā whakautu kei te whārangi 20 me te whārangi 21 o te whakaaturanga kaiako.

Ngā pātai matua

1. Ka nui ake ngā ara mahi mēnā ka mau i a au ngā mōhiotanga me ngā tohu mātauranga e tika ana.
2. He nui tonu ngā wāhi e taea ai e au te whiwhi tohu mātauranga e hāngai ana ki taku taera ako me ōku wawa i te ao mahi.

Hei tiki ake

- Te whakaaturanga kaiako (wh.12–wh.22)
- Te tūmahi NZQF
- Mahere whenua whai mahi
- Te tūmahi mō ngā ara mahi i muri i te kura

Rauemi kaiako

- Ngā patapātai mō NCEA

Te tūmahi matua

Te ao ōhanga Māori i ēnei rā

Me noho takirua ki te matapakī tēnei kaupapa:
He aha rā te pānga o ngā pakihī Māori ki taku ara i te ao mahi?

Te Taura Here Tohu Mātauranga (NZQF)
He taura

Tōku maunga

Te ara whakaako

4. Pātai atu ki ngā rangatahi, ki te hiahia tonu rātou ki te kimi mōhiotanga, ki te whai tohu mātauranga rānei e pā ana ki tō rātou ara mahi me haere rātou ki hea? He aha ngā momo whare whakangungu i tō rātou rohe? He aha ngā momo akoranga o aua wāhi?

Hoatu te pepa mō ngā ara mahi i muri i te kura, tukuna ngā ākonga ki te tūhono atu i te whakamārama e hāngai ana ki ia whare whakangungu. Me noho takirua ngā ākonga ki te matapakī:

- Ko wai mā ngā ākonga o ia whare whakangungu?
 - He aha ngā kaupapa e whāia ana e rātou?
 - Ko tēhea/ēhea ngā whare whakangungu e hāngai ana ki ō rātou ake taera ako?
5. Tukuna ngā rangatahi ki te whakakī i te wāhanga Te maunga o tā rātou mahere whenua whai mahi. Whakamāramahia atu ki a rātou, nō rātou anō tēnei maunga, mā rātou tonu e whai i ngā ara e tika ana kia eke rātou ki te tihi..
6. Pānuihia anōtia te whakatauki i te whārangi 22 o te whakaaturanga kaiako. Matapakina te pānga o ēnei kōrero ki tō rātou ara mahi, arā, me kaha rātou ki te whai i ngā mahi hou, i ngā wheako hou, ki te whai i ngā ara pai, ki te tūhono atu ki ngā tāngata pai me te kōhi haere i ngā pūkenga me ngā tohu mātauranga e tika ana. Hoki atu ki ngā whakamārama mō te mahere whenua whai mahi hei āwhina i a koe ki te whakaū i te kaupapa ki roto i a rātou kia mārama pai ai rātou he wāhi nui tō rātou i te ao ōhanga o Aotearoa.

Te maunga Rauemi kaiako

He patapātai tere mō NCEA

Ko te whāinga a te kēmu pātai tere he whakaū i ngā kōrero mō te NCEA. Mā ngā kaiako anō e whiriwhiri, e waihanga rānei ngā pātai e tika ana mā tana akomanga.

1. He aha rā te tikanga o te kupu NCEA?
National Certificate of Educational Achievement. Ko te Taumata Mātauranga ā-Motu.
2. E hia ngā taumata o te NCEA?
E toru.
3. He aha rā ngā wāhi matua o te NCEA?
Ko ngā whiwhinga (credits) me ngā paerewa (unit standards).
4. He aha rā ngā momo aromatawai e rua i te NCEA?
Ko ngā aromatawai ā-roto me ngā aromatawai ā-waho.
5. He aha hoki te rerekētanga o ēnei momo aromatawai?
Aromatawai ā-roto – ka mahia, ka mākahia i roto i te kura
Aromatawai ā-waho – ka mahia, ka mākahia i waho atu i te kura.
6. He aha rā ngā ingoa mō ngā taumata e whā o ngā paerewa paetae?
Ko te kore whiwhi, ko te paetae, ko te kaiaka me te kairangi.
7. E hia ngā whiwhinga me riro i a koe e whakawhiwhia ai koe ki te taunaki ā-hōtaka kairangi me te taunaki ā-tiwhikete kairangi?
Taunaki ā-hōtaka kairangi: Kia 14 ngā whiwhinga kairangi i te marautanga kotahi. Me ahu mai kia 3 o aua whiwhinga i tētahi aromatawai ā-waho.
Taunaki ā-tiwhikete kairangi: Kia 50 ngā whiwhinga kairangi (ahakoa te marautanga).
8. He aha rā te take he mea nui te āta tautohu i ō marau ako i a koe e whiriwhiri ana i tō huarahi ako, i tō huarahi mahi rānei i te mutunga o te kura?
Whiriwhirihia ngā marau matua me ngā marau motuhake. He marautanga matua te pāngarau, te pūtaiao me te reo Ingarihi. Koia nei te tūāpapa o ngā huarahi maha ki te ao mahi.
9. Mā te tohu University Entrance e kuhu atu ai koe ki ngā marautanga katoa o te whare wānanga?
Kāo, tērā pea he akoranga tōmua me mau i a koe i mua i tō kuhunga ki ētahi o ngā hōtaka ako o te whare wānanga.

